

خبر اوزره صلح عقد ایدلسه بو صلح باطلدر. یا ابا موسی! دونکی کون سندن صادر اولوبده بو کون فهم وکیاستکه مراجعت ایله بطلان وفسادینه مطلع اولدیغک بر حکم سی حقه رجوعدن منع ایتسون، زیرا حق و صواب اصل و قدیمدر و حقه رجوع باطلده اصرار و تمادیدن خیردر. [یعنی قاضینک حکمی نصه و یا اجماعه مخالف اولوبده قاضی حکمنده بو وجه ایله خطا ایلدیکنی تیقن ایلدکده و یردیک حکمی نقض ایلملی در، اما خطاسی اجتهاد ایله ظاهر اولورسه نقض ایتمز زیرا اجتهاد، اجتهاد ایله نقض اولماز. بر قاضی بر منوال محرر خطاسی تیقن ایلدکده و یردیک حکمی نقض ایلمک حیا، کنیدیسی منع ایتما می در. بو یالکیز قضاة حقنده دکل، بلکه واعظ و مفتی کبی امور دیندن بر مسنده تعیین اولمش ذواتک جمله سی حقنده جاریدر. خطاری ظاهر اولنجه آندن رجوعلرینی اظهار ایتلیدر لر، هله قاضی حقنده واجبرد زیرا حکم و قضا ملز مدر].

(مایعدی وار)

برکت زاده

اسماعیل حق

اصول مبعوثیت

دن

مبعوث و صور انتخابیه سی

اصول مبعوثیتک اساسی انتخاب، وسائط اجرا ثیه و تطبیقیه سی منتخب و مبعوث اولدیغنی کچن مقاله مزده بسط و ایضاح و اشبو وسائطدن منتخب ایله اکا متعلق صور انتخابیه یی موضوع مذاکره ایلمشیدک بو کون دخی وسائط مذکور دنک ایکنجی سندن یعنی مبعوث ایله اکا متفرع اصول انتخابیه دن بحث ایده جکیز. مبعوث — منتخبلرکی مبعوثلرک دخی قانوناً معین بعض اوصاف انتخابیه یی حائر اولملری لزوم قطعیه سی درکاردر. حتی مبعوثلره عائد وظائف مهمه یه نظراً اوصاف مذکور دنک منتخبلره تحمیل اولنان شرائطدن ده اجدی و آغیر

اولمسی مقتضیات طبیعه دندر مثلاً فرانسه تابعیتی اکتساب ایدن بر اجنبی فرانسه ده . همان منتخب صفتی احراز ایده بیلور ایسه ده مبعوثلغه نامزد اوله بیللمسی تابعیت مذکور دنك اکتسابدن صکره لا اقل اون سنه مدت مرووری شرطنه متوققدر منتخبلر ایچون تعیین اولنان حدسن دخی یکر می بر اولدینی حالده مبعوثلر ایچون بویاش کافی عد ایدملیوب فرانسه ده مبعوثلرک یکر می بش یاشرینی اکیال ایتش اولملری اقتضا ایدر بزده دخی بویله در کذلک اقامتگاه ایچون ۱۸۷۵ تاریخه قدر فرانسه ده هر مبعوثک نامزدلکنی وضع ایلدیکی ولایت داخلنده تأسیس اقامتگاه ایتش اولمسی ایجاب ایدر کن تاریخ مذکورن اعتباراً قیدمذکور کلیالغوایدلمشدر الیوم فرانسه خارجنده بولنان بر فرانسز بیله اوصاف لازمه قانونیه بی حائز اولدینی تقدیرده آرزو ایلدیکی دائره انتخابیه به نامزدلکنی وضع و تکلیف ایدمبیلور . حکومته آز چوق ویرکو اعطا ایلمک قید انتخابیه کلنجه : فرانسه ده ۱۸۱۴ تاریخنده مبعوث اولق ایچون بیک فرائق ویرکو ایله مکلف بولنق ایجاب ایدر ایکن بوقید دخی ۱۸۴۸ تاریخنده تماماً لغو وابطال ایدلمشدر . بزده منتخبلر ایچون حکومته آز چوق ویرکو ویرمک حکم قانونی موجود اولدینی حالده مبعوثلر ایچون اشبو قید احتیاطینک الغامی جهته کیدلمش اولمسی اساس اعتباریله هر حالده شایان استغرابدر . بوندن بشقه مبعوثک هانکی بر دائره انتخابیه ده نامزدلکنی وضع ایده جکینی انتخاباته بدأ ایدلزدن الای کون اول مضی ومصدق بر بیاننامه ایله عائد اولدینی ولایته بیلدیرمسی لابدر . بوندن مقصد هر مبعوثک نامزدلکنی یالکز بر دائره انتخابیه حصرو تحدید ایتمکدن وبوصورتله آرای عمومیهدن بر قسم مهمنک یالکز بر ذاته انحصار ایلمسنی منع ایلمکدن عبارتدر . اشبو قاعديه توفیق حرکت ایتیمان نامزدلر اون بیک فرائق جزای نقدی به محکوم اولدقلری کبی آنلرک نامنه محرر اولان پوصلهلر دخی نتیجه انتخابده داخل حساب ایدملرلر . مبعوثلرک شرائط انتخابیه آفنی حائز اولقله برابر قانوناً « عدم صلاحیت انتخابیه Ineligibilité » به دخی دوچار اولاندردن بولنامسی تحت وجوبده در .

اشبو عدم صلاحیت ، مطلق و غیر مطلق اولمق اوزره ایکی یه انقسام ایدر .
 مطلق اولان عدم صلاحیت عموم دوائر انتخابیه شامل اولوب وقوع بولان
 انتخابك بهمه حال فسحنی استلزام ایلر . فرانسه ده عدم صلاحیت مطلقه یه دوچار
 اولانلر حکومت مذکورده وقتیه اجرای سلطنت ایتمش اولان خاندانلرک اعضای
 حاضر دسیله فعالاً خدمت عسکریده بولنان افراد بریه و بحریه در . بونلر هیچ
 دائرة انتخابیه نامزدلکارینی وضع ایدمزلر بزده امر اوضا بطان عسکریه حقتده بویه
 برقید اولمیوب انتخابلری حالده مستعفی نظریله باقلمق اوزره نامزدلکارینی وضع
 ایتملرینه مساع ویرلمکده ایسه عسکرک سیاسته اشتراك ومداخله نی انتاج وروحي
 مشابهنده اولان نظام وانتظامنی اخلال ایده بیله چکی ایچون محذور دن سالم عد ایدیلر مز .
 غیر مطلق اولان عدم صلاحیت انتخابیه ایسه بعض مهم مأموریتلرک موجود اولدقلری
 دوائر انتخابیه منحصر اولوب یالکنز اشبو دوائرده وقوع بولان انتخابك فسحنی مؤدی
 اولورکه بوده مذکور مأموریتلر اصحابنك نامزدلکارینی وضع وتکلیف خصوصنده
 برواسطه جبر وتضیق اولمق اوزره مأموریتلرینی سوء استعمال ایده ماملری ایچوندر
 فرانسه ده عدم صلاحیت غیر مطلقه یه دوچار اولانلر دائرة صلاحیتلرینك تمتد
 اولدینی دوائر انتخابیه داخلنده بدایت واستیناف محکمه لری رؤسایله مدعی
 عمومیلک مأموریتی و ولایت وسنجاقلرده والیر ومتصرفلر در . بونلر یالکنز
 مأموریتلرینك دائرة نفوذ و صلاحیتنه داخل اولان یرلرده نامزدلکارینی وضع
 ایده مزلر .

عدم اجتماع انتخابی Incompatibilite — عینی ذاتك عهده سنده هیئت مبعوثان
 اعضا الغیله برابر دیگر بر مأموریتك غیر قابل اجتماع بولنسنندن عبارتدر بویه بر
 حالده بولنان مبعوث ایکسندن برینی بالترجیح دیگرندن استعفا نی ویرمک
 مجبوریتده در . بزده دخی اشبو قاعده قانون اساسی عیزك جمله احکامنددر . عدم
 اجتماع اساسی بشقه بر مقاله مزده ایضاح وتشریح ایلدیکمز «تفریق قوای عمومیّه»
 قاعده اصلیه سنده بولوب قوه تشریعیه یه منسوب اولان بر مبعوثك قوه اداره وقوه عدلیه یه
 مداخله وتجاوزینك شایسته قبول وجواز کورلماسی حکمتیه مستنددر . بوندن ماعدا

مبعوثك مأمور لری تعیین ایتمکله مکلف اولان قوه اجراییه قارشی قید متابعتله مقید اولیوب فعلاً و فکرأ حاز استقلال تام اولسی مبعوثلق وظیفه مهمه سنك ضروریات طبیعیه سندنر . موضوع بحث اولان قاعده نك علیهدار و معترض لری بوقاعده سوقیله هیئت مبعوثانك مأموریتلرندن استعفا ایلمك آرزو سنده بولمیان مأمورین مقتدره نك افکار منوره و تکلیفات صائبه سندن محروم قالدیغنی بیان وادعا ایتمکده ایسه لرده مأمورین مذکور نك لوائح قانونیه نی تنظیم ایتمکله مکلف اولان شورای دولته تعیین لری صورتیله محذور مسرودك امکان رفعی غیر قابل انکاردر . مع مافیه اشبو قاعده نك تطبیقآده ملحوظ اولان فوائد و محسناته نظرأ بعض شواذك قبولی موافق کورلمشدر : وکلا ، سفرا ، دیوان محاسبات و محکمه تمبرك برنجی رئیس لری ، والیر و بعض معلملر ایله آلتی آیدن دون بر مدته بر مأموریت مخصوصه یه تعیین اولنانلر عهده لرنده ، اشبو مأموریتلر ایله برابر هیئت مبعوثان اعضا لغنی دخی جمع و محافظه ایدیه یلوزلر . فرانسه ده ناظر لاق و مستشار لغه تعیین اولنان مبعوثلر اسکلتزده اولدیغنی مثللو یکیدن انتخاب اولتق مجبوریتده دکلردر .

صور انتخابیه کیریشمزدن مقدم هیئت مبعوثانك قسماً ویا تماماً تجدیدینه دأر بر ایکی سوز دخی سوبلیه قسماً واقع اولان تجدیده انتخابآدن تولدی ملحوظ اولان حال بحران و تذبذبك دائرة تأثیراتی تحدید ایدلدیکی کبی هیئت حکومتك دخی متین بر اساسی اکثریت اوزرینه ایتمایلمسی تحت تأمینه آلنور . لکن اشبو نتیجه حسنه نك استحصالی فرق سیاسیه نك ایکی دن زیاده بولمسنه متوقفدر .

فرانسه ده « دیرکتوار » زماننده حکومتك سبب اصلی سقوطی صحنه سیاسیانده یالکز ایکی فرقه نك موجودیتی اولدیغنی حقایق تاریخچه دندر .

تماماً اجرا اولنان تجدید ایسه افکار عمومیه نك دها سربست و واضح بر صورتده تظاهر ایلمسی و بو صورتله متشکل هیئت مبعوثانك دخی او نسبتده تأمین نفوذ و اعتبار ایتمسی تأمین ایدر . فرانسه ده الیوم حکمفر اولان اشبو اصول

تجدد بزده دخی جاری اولان اصولدر . کله لم صور انتخابیه یه : مبعوثلر «جدول» ویا «وحیدالاسم» اصول انتخابری ایله انتخاب اولنمقده درلر .

جدول اصول انتخابی Scrutindelistه - اشبو اصول موجبجه مملکت جسیم دوائر انتخابیه مثلا ولایتله تقسیم اولنوب هر ممتخب اشبو دوائر داخلنده انتخاب اولنه جق مبعوثلرک عددی قدر نامزدک اسمنی بوصله سنه قید و تحریر ایدر مثلا بر ولایتده انتخاب اولنه جق مبعوثلرک عددی اون ایسه هر ممتخب دخی بوصله سنه اون نامزدک اسمنی آری آری یازمق مجبوریتده بولور اشبو طرز انتخاب بتون مملکت اینچون هان عمومی بر نامزد جدولنک ترتیب واحضارینی ویا لکزر منافع عمومییه حصر لحاظه دقت ایده جک مبعوثلرک انتخابی تأمین وتشکیلیدن حکومتک تطبیقاتده متین بر اساس اوزرینه تأسس واستقرارینی انتساج ایلر فی الواقع بو صورتله انتخاب اولنان مبعوثلرک شخصی آرانیمبوب یالکزر تعقیب ایلدک لری مسلک وقاعده نک سخت و سلامتی دریش ایدیلور اشبو اصول انتخابک محاذیری ایسه بوصله نک باشنه معروف وواجب الاحترام برنامزدک اسمنی قید ایلدکدن صکره قسم متبایسنی منتخبجه غیر معلوم و دکر سز نامزدلرک اسملریله املا ایدرک بونلرک دخی موفقیتلرینی بوسورتله تأمینه چالیشان بر طاقم انتخاب قومیه لرینک تشکله میدان آچلمق یوزندن انتخاباتک فساده اوغرامسی وناحیه وسنجاق کبی دهاکچوک دوائر انتخابیه ده اقلیتده قالان فرق سیاسیه نک مغدور اولملریدر . فرانسه ده ۱۷۹۲ تاریخنده ظهور یافته اولان اشبو صورت انتخاب ۱۸۷۳ تاریخنده ترک ایدلمش ایسه ده خطیب شهر «غامبتا» نک تکلیفات واقعه سی نتیجه سی اوله رق ۱۸۸۵ تاریخنده تکرار موقع تطبیقه وضع اولنوب ۱۸۸۹ سنه سنه قدر مرعی الاجرا اولمشدر .

بزده جاری اولان اصول انتخاب، جدول طرز انتخابی ایسه ده انتخاب مبعوثان قانوننک برنجی ماده سی موجبجه هر سنجاق بر دائرة انتخابیه وهر ناحیه بر شعبه انتخابیه اعتبار اولنمقده در .

وحیدالاسم اصول انتخابی scrutin minominal - اشبو صورت انتخابه توفیقاً

مملکت دها کچوک دائره انتخابیه لره مثلاً سنجاق ویا ناحیه لره تقسیم اولنوب هر منتخب بوصله سنده یالکز بر نامزدک اسمنی قید و اشارت ایدر بو صورتله هر منتخب طانیدینی و امین اولدینی نامزدک انتخابنه وجسیم دواثر انتخابیه ده اقلیتده و فقط سنجاقلرده حائز اکثریت اولان فرق سیاسییه دخی اهمیتلری نسبتنده مبعوث تعییننه فرصت یاب اولورلر بو اصولک مخاذیری ده معاملات انتخابیه دار بر اساس تعیین اتمک و منتخبک آدمی صایلوب امرینه بالانقیاد منفعت محلییه منفعت عمومییه اکثریا فدا اتمک مضطر قالان مبعوثلرک انتخابنی تسهیل ایلمک و سنجاق و ناحیه لرجه غیر معروف بعض ذوات مقتدره نک عدم موفقیتی موجب اولمقدن عبارتدر فرانسه ده ۱۷۸۹ تاریخده احداث اولنان اشبو طرز انتخاب ۱۸۸۹ تاریخندبری موقع اجرا ده بولمقددر. مبعوثک صفت مأموریتنه دائر دخی بر ایکی سوز سویلیلم: مبعوث، انتخابندن انتخاب آتی به قدر کاملاً حر و مستقل اولوب منتخبدن هیچ بر امر و تنبیه تلقی ایده من مبعوث منافع عمومییه مملکتک وکیلی، آمال مشترکه ملتک تأمین حسن اجرا منی متکفل بر مأمور عمومی عد ایدلمکده اولدیغندن منتخبلرک منافع خصوصیه منی نظر اعتبارله آلمق مجبوریتنده دکلددر. انتخابندن مقدم مبعوث طرفندن وقوع بوله حق مواعید و تعهداتک کافه منی کاملاً حکم زدر. بتون قانونلر وکالت جبرییه منی Mandat impératif رد ایلمکده درلر. مبعوث انتخابدن صکره دخی یالکز سواثق فکر و وجدانه تابع اولوب نظر کاهنده آتی انتخاب ایدن منتخبک شخص و نفوذینک کاملاً منخسف و نابود اولسی اقتضا ایلر. ایشته بونک ایچوندرکه جمیع قوانین اساسیه مبعوثلرک انتخابنی مسئله متناهیانه منتخبلرک کمال دقت و اهمیتنی جلب ایچون قیود متعدده احتیاطیه وضع ایلر. ینه بونک ایچوندرکه حق انتخابنک حکمتیه مطلع اولان هر منتخب تعیین ایده جکی نامزدک، عهده سنه مرتب وظیفه مهمه نک ایجاب ایتدردیکی اوصاف و مزیات مادیه و معنویه ایله بکمالها متصف و متحلی اولمنسه فوق العاده اعتنا ایلر ینه بونک ایچوندرکه اوصاف و مزیات مبعوثیه منی حائز اولیانلر مملکتک احوال اجتماعیه و سیاسییه و اقتصادیه سنه الحاصل حیات

عموميہ سنہ تماس عظیمی درکار اولان وظیفہ مهمہ وکالتی در عہدہ ایلیمکہ جرأت
ایتمامیدر لر .

سوخته زاده احمد

تثبت شخصی

ع-کـرلک

صبح الدين بك افنديك سياست داخله مزه متعلق پروغراملرنده برده
تثبت شخصی بولنديغی ایلک اوکجه غزته لرده کوردک، صوکرده کندی لسانلرن دن
(واریه نه) ده ویردکری قونفرانده ایشندک .
شو «تثبت شخصی» ترکیبک موصوفی اولان و «تثبت» ديه ترجمه اولان
کله نك اصل فرانسزجه سنی و قتیله تورکجه مزه «بولوش» ديه آد ویرمکی توصیه
ایتمش ایدم ترکیه مزده کی «بولوش» سوزی معلومدرکه احباب حال و مصلحت کوره
اک مناسب بولنان بر فعل و حرکتی اجرا ایلیمکدر .
بولوش ديلم ، تثبيت ديلم ، هر نه ديه چک ايسه ک ديلم ، شو کله نك دلالت
ایلدکری مفهومه اویغون اولان خصیصه ذاتیه هر انسانده حتی هر حیوانده
بیله موجوددر . فقط هر کسده اولدینی کی او کس لک برر بیوک طوبی اولان
ملترده ده بونک درجه سی متفاوتدر شو خصلت آریانی اقوام آراسنده اک زیاده
آنکلساقصون نسلنده انبساط ایلیمشدر . بوکاسبب ايسه موقعلرینک ، بعض شمال
مملکتلرینک یاشامق ایچون کوستردیکی کوجلکدر . اورالرده یاشایش هندستانده
جاواده دکل حتی بزم آناطولیده بیله اولدینی قدر قولای دکدر . اورالرده انسان
اتمکی طاشدن چیقارمغده مجبور اولمقله قلمیه رق انکین دکزلرک دیننده ، اوقید
نوسلرک اوتنه سنده اتمک آرامغه چالشمازسه اولمکه محکومدر . «مائیونی آتسه
آتمشدر ، یلوروسنی آیانغی آلتنه آلمش» دیرلر . ایشه اورالرده احتیاج آتشی ایچنده